

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Menippus sive dialogorum satyricorum centuria inanitatum nostratum speculum

Andreä, Johann Valentin

Cosmopoli [i.e. Straßburg], 1618

29. Aerarivm

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

modatio. *B.* Illi sua contulerunt, nec impediunt largiora spiritus dona. *A.* Vnum ergo superest sciam, an reuera Prophetæ mentem explicatam crediderint, an notas tantum, & suspiciones, ac styli, vocisq; exercitia edere voluerint? *B.* Omnia hæc, ac insuper doctrinæ controversæ accommodationem. *A.* Acquiesco: interim mihi videor ab ijs didicisse mirificam artem, qua Biblia omnia explicem philosophicè, & Philosophica biblicè.

29. AERARIUM.

Quas hic obsecro tabellas geris? *B.* Rationes sunt. *A.* Tu ne rationes, homo religiosus? *B.* Imò sacras, nam ærarij nostri sunt, siue fisci. *A.* Visci? ceddò eas, si licet. *B.* Quidni liceat; velim mundo constare meam integritatem. *A.* Vnde hæc argenti summa est? *B.* Solet festis diebus, aut Ecclesiæ solennitatibus colligi à bonæ voluntatis hominibus. *A.* In quem usum? *B.* Eleemosynarium. *A.* Sine percurram. *B.* Tu summas potius inspicere. *A.* Bene. Mendicantibus 3. fl. Sclaribus 10. bac. Viduis 1. fl. Simphoniacis 6. fl. Pictori 34. fl. Exulibus 2. fl. Scriuario 10. fl. Lotrici 20. bac. In varias restaurationes 18. fl. In conuiuia 60. fl. Eho! an hoc postremum æquè Eleemosyna est? *B.* Quidni; nam cum toto anno accipiendis, expendendisque nummis simus occupati, nonne quater nobis convivari liceat? *A.* Imò sæpius; si fateamini vos conuiyas eleemosynarios. *B.* Trituranti bovis os non

non obligabis. *A.* Reciperationes, vereor enim ne abfurda plura reperiam. *B.* Imò ornatam nostram sacram ædem & ministrorum domos invenisses hoc anno amplius, quàm integro ante decennio. *A.* Hoc anno, quo tot miseris esuriendum fuit? *B.* Illis alia ratione prospectum est, hæc in sacras structuras & ornamenta destinata sunt. *A.* Nempe etiam sacras computationes habetis, & sacram ebrietatem, & sacras choreas, & si quid aliud est ex hac collectione sacri? *B.* Anne & organum nostrum inculpabis in Dei laudes constructum, & sacras picturas, simplicium doctores, & splendidum suggestum, quod concionibus decus addit? *A.* Haud temerè: nam jucundum est vos modulari, dum miseri ejulāt, & parietes illini, dum pauperum corpora ulceribus obducuntur, & cathedras vel altaria serico tegi, dum nuda hominum corpora tremunt: potuisses & calices addere, posteaquam aurei esse cœperunt, pastores fieri lignei. *B.* Tu haram vis, non aram, & stabulum, non templum. *A.* Etiam Christus stabulum non abhorruit; sed tu heus, templi ornamentis nunquam iniqui erimus, si prius viva spiritus templa instruatis. At contra ædes religiosæ nitent, homines religiosissimi fame intereunt. *B.* Si is fuisset majorum animus qui tibi, jam templa nulla forent, sed sub dio conveniremus. *A.* Ego contra utriusque curam habuisse scio, primum hominum, dein ædium. *A.* Nos verò an posteritati nihil sacri ornatus exhibebimus? *B.* Quicquid libuerit, sed meminisse oportet, cum ad tribunal Christi perentum

tum fuerit, non habituros vos famelicos, sitientes, nudos, egrotos, sed caupones, pictores, artificesque alios benignitatis vestrae testes numerosissimos.

30. TITVL I.

A. Deus te salvet frater, **B.** Salyus fortunatusque sis ornatissime & doctissime, simulque humanissime & literatissime Domine Magister. **A.** Quid sibi vult tantus titulorum strepitus? **B.** Quia sic doctissimae humanitatis vestrae eruditio promeretur. **A.** Aesopi me socium facis, qui cum omnia sciam, nihil sinam alijs reliqui. **B.** Ridet ornataissima humanitas vestra, ego quid de tanta ingenij excellentia sentiendum sit, fat scio. **A.** At saltem, si benignus in me maximè sis, titulis non obrues. **B.** Nihil hinc dici potest nimium. **A.** Quanto expeditius colloquemur, si me amicum, aut socium, aut fratrem appellites, quàm tot vocabulorum ambagibus? **B.** Decet nos titulis distinctos esse, & singulos gradus habere condecencia cognomina. **A.** Non dicam quam in Christo & Apostolis tale quid nusquam deprehendere liceat, id enim suspectum vobis est, sed & purior antiquitas hanc barbariem abhorruit. **B.** Barbariem vero? **A.** Spectabilitatem, reverentiam, claritudinem, dignationem, magnificentiam, cum compositis & decompositis, quae nunc torrentis instar nos obruant. **B.** Haec vero in Scholis frequentissima sunt, literarum sedibus. **A.** Sinamus illis id privilegij, ut cum vocabulorum possessores sint, ac Domini, suo ijs arbitrio